

## **Katoneoch**

### **Lesen**

- 1. Ewe Paipel a áiti ngenikich meinisin met mi lamot sipwe silei pwe sipwe tongeni féri mettóch meinisin Kot a mochen ach sipwe féri.**
- 2. Sia tapweno mwirin ewe Testamen Kraist me sise apachanong annuk seni ewe Testamen Nom.**
- 3. Ennetin anneasochis ina ach fori ennetin met Kot a apasa nge ese wor siwin.**
- 4. Muun Kot ina ewe mwichefel Jises a aueta.**

## Lesen 5 - Pworaus mi Titchik Usun ewe Mwichefen - ewe Muu

### Efisos 1:22-23

22 Kot a anomu mettoch meinisin fän nemenien Kraist. A awisa i pwe epwe möküren mwichefel o nemeni mettoch meinisin. 23 Mwichefel iei ewe inisin Kraist. Iwe, mwichefel a afisätä unusöchülan Kraist, usun püsin Kraist a aunosöchüela mettoch meinisin ekis meinisin.

### Efisos 4:4

Mi wor eu chök inis me eman chök Ngün, usun a pwal wor eu chök apilükülüköch Kot a köri ngenikemi.

### Efisos 5:23

Pun eman mwän möküren pwülülan usun Kraist möküren mwichefel. Kraist ewe Chon Amanauen mwichefel, nge mwichefel iei inisin Kraist.


1. Ewe mwichefel ina an Kraist met?  
A. Inisin  
B. Noun we
2. Fitemon inisin aramas ra nom?  
A. Chommong  
B. Eu
3. Ika pwe ewe mwichefel ina inisin, nge a wor eu chök inis, iwe, epwe wor fitu mwichefel?  
A. Chommong  
B. Eu

4. Iö ewe möküren mwichefel?  
A. Kraist  
B. Paul
5. Jises ewe chon amanaua inisin aramas are inisin?  
A. Ekkewe inis aramas ra fori  
B. Inisin
6. I ewe chon amanaua ekkewe mwichefen aramas ra fori are An we mwichefen?  
A. Ekkewe mwichefel aramas ra fori  
B. An we mwichefel

## KRAIST I EWE MEKUREN MWICHEFEL

Ewe puken Efisos a affata pwe eu chok mwichefen. Ren chommong mwichen lamalam, mi auchea sipwe kuna ewe emon mi nom ren Kraist pun I pwan ewe chon amanaua ena ew inis.

## EW CHOK MOKKUR





Pokiten Kraist möküren ewe mwichefel, I a föri ekewe kefil meinisin usun met epwe fis lon inisin. Ren ach sipwe fokkun ausening ngeni an Kraist kewe afanafan non ewe Testamen Sofo, sia tongeni kuna ewe emon mi nom ren.

## EWE CHOK INICH

Nupwen mwan ra siwini och mettoch usun ewe mwichefen, Kraist ese chiwen ewe mokuren, me a winiti ew mwichen aramas mi tapweno mwirin aramas.

1. A 2. B 3. B

4. A 5. B 6. B



## Ifa iten ewe mwichefel sia kúna lón ewe Paipel?

### Rom 16:16

Oupwe kapongfengen lefilemi ren ewe kapongen souläng.  
Chon ewe mwichefelin Kraist meininis ra kapong ngenikemi.

### 1 Timoty 3:15

Nge are üpwe mang, ei toropwe epwe afata ngonuk usun ach  
föför lein chon ewe familien Kot, iei än Kot, ewe mi manau we  
mwichefel, ewe ürelap me longolongun ewe let.

### Efisos 1:22-23

22 Kot a anomu mettoch meininis fän nemenien Kraist. A  
awisa i pwe epwe möküren mwichefel o nemeni mettoch  
meininis. 23 Mwichefel iei ewe inisin Kraist. Iwe, mwichefel a  
afisätä unusöchülan Kraist, usun püsin Kraist a aunusöchüela  
mettoch meininis ekis meininis.

### Föför 20:28

Iei mine oupwe mamasakemi me unusen chon ewe mwichefel  
ewe Ngünmifel a atolongeer fän ämi tümwün. Oupwe chon  
masen ewe mwichefelin Kot, i a möni ren chaan püsin Nöün  
we.

7. Met ewe mwichefen a iteni ikei?  
A. Mwichefelin Kraist  
B. Ewe imwenfel seni mangaku

8. Met ewe mwichefen a iteni ikei?  
A. Imwen Piter  
B. Imwen Kot


9. Met ewe mwichefen a iteni ikei?  
A. Ewe inisin Kraist  
B. Sinakok

10. Met ewe mwichefen a iteni ikei?  
A. Imwenipin  
B. Mwichefenin Kot

11. Iö a möni ewe mwichefel ren chchaan?  
A. Kot ewe Sam  
B. Kot ewe Nau

## ITAN EWE MWIFEL

**Mwichefenin Kraist**  
**Imwen Kot**  
**Inisin Kraist**  
**Mwichefenin Kot (Kraist) - Kraist**  
**a ngeni chchaan**



**Ewe Mwichefen a nom ren Kraist. Ekkewe it sia kuna lon ewe Paipel ra affata pwe ina An. A wor weween. Sisap eita ngeni ewe mokur eu chok it me ewe inis pwal eu it.**

7. A 8. B 9. A 10. B 11. B

## Kraist ewe mökür. Met ewe Paipel a apasa usun ewe inis?

### Filipi 1:1

Äm Paulus me Timoty, äm nöün Kraist kewe chon angang, aia kapong ngeni ekewe chon pin lon Kraist Jesus mi nom lon Filipi, pwal ngeni ekewe bisop mwichefel me ekewe tiken:

12. Ewe taropwe a mak ngeni ié?
  - A. Ekkewe chon pin meinisin lon Filipai
  - B. Filip
13. Ikkefa ekkewe ruu mwich mi mak ikeei ie?
  - A. Satusi me Farisi
  - B. Pisop me Tiken

12. A    13. B

## Iö kewe Pisops?

### Föför 20:17, 28

17 Iwe, seni Miletus Paulus a tinala echö toropwe Efisos o tüngor ngeni ekewe souakomwen mwichefel.

28 Iei mine oupwe mamasakemi me unusen chon ewe mwichefel ewe Ngünmifel a atolongeer fän ämi tümwün.

Oupwe chon masen ewe mwichefelin Kot, i a möni ren chaan püsin Nöün we.

| Greek       | Latin     | English  | Chuukesse       |
|-------------|-----------|----------|-----------------|
| Episkopos   | Bishop    | Overseer | Pisop           |
| Presbuteros | Presbyter | Elder    | Chinnap         |
| Poimien     | Pastor    | Shepherd | Chon Aasen Siip |

14. Ié kewe Paulus a kër seni Efisos?

- A. Ewe aposel
- B. Ewe Chon Masen Siip

15. Ewe Ngun mi Fel a fori ekkewe elter met?

- A. Mokuren ewe mwichefel
- B. Ekkewe chon mas

16. Met repwe fëri fän iten ewe mwichefel?

- A. Amwéngéeni
- B. No

Non Filipi 1:1 ewe kapas pisop a feito seni ewe kapasen Krik. Episkopos. Lon Föför 20:28 ei chok kapas, Episkopos a affou ngeni chon mas. Wokisin 17 a affata pwe Piter a awora kapasen emmwén ngeni ekkewe pisop. Pisop, Chinnap, Overseer, Presbyter, Chon Masen Siip, ir meinisín ra kapas usun ewe chok mwichen mwan.

**Ekkewe chinnap non ewe mwichefen ra ereniir pwe repwe tumunu, pwan, tumunu me amongouni chon ewe mwichefen. Ekkei souemwen ra wisen tumunu pochokunen ewe mwichefel non pekin ngun, me repwe tumunu pwe mettoch repwe fis non napanap mi fich me non kokkot. (1 Korint 14:40) Ekkewe chinnap, elter, resap isetiu alluk are alluk fan iten ewe lamalam. Kraist chök, ewe mökür, a eäni ewe manaman seni Kot pwe epwe nemeni ewe inis.**

**Esap meinisín ra tongeni wiliti chinnap. Ekkewe napanap mi fich ngeni emén chónemmwen a mak lón 1 Timoty 3:1-7**

### 1 Timoty 3:1-7

1 A let ewe kapas: Are eman a mochen wiseni ewe wisen soumasen mwichefel, a tipeni eu angang mi äüchea. 2 Iwe, eman soumas epwe fokun unusöch lon manauan. Epwe pwülüeni eman chök fefin, epwe tipefesir, epwe tufichin nemeni püsin inisin, epwe mirit, epwe etiwaöchü wasöla, epwe pwal lipwäköch le asukul. 3 Esap ünüpuch are rochongau, nge epwe tipepwetete o afisätä kinamwe, esap eman mi mochenian moni. 4 Epwe emwenöchü püsin chon an famili o aörüni ngeni nöün kana ar repwe aleasochis ngeni fän menin. 5 Pun are eman esap silei usun an epwe emwenöchü püsin chon an famili, ifa usun an epwe tongeni tümwünüöchü mwichefelin Kot? 6 Esap öch an epwe eman souläng mi fö, pwe ete lamalamtekia o tolong lon kapwüng usun än ewe Tefil küna kapwüng. 7 Iwe, epwe pwal iteüöch me ren ekewe chon lükün, pwe esap tolong lon itengau o tup lon än Tefil sär.

## Iö kewe ekkewe Deakon?

### **Mateus 23:11**

Ewe mi lap leimi epwe nöümi chon angang.

Tiken a feito seni ewe kapasen Kriik diakoneō. A wewe ngeni ach sipwe emon chon angang are angang ngeni pwal emon. Meinishin chon tapweno mwirin Kraist repwe chon angang me angang ngeni ekkoch. Nge, esap meinishin ra tongeni wiseni ewe wiis deacon. Ekkewe napanap mi fich ngeni emén an epwe eáni ewe wis deacon a mak lón 1 Timoty 3:8-13.

### **1 Timoty 3:8-13**

8 Ekewe soualilis repwe usun chök ekewe soumas, repwe aramasöch, resap aweruu, resap ünümong wain ika tipemong won moni. 9 Repwe kamwöchünük won ewe monomonen lükülük mi let ren mwelien letiper mi limöch. 10 Iwe, repwe akomwen küna sosot, mürin are a pwä pwe esap wor eman a atipisiir, repwapw alilis lon angangen mwichefel. 11 Pwal ina chök usun ekewe soualilis fefin repwe aramasöch, resap luapas, repwe tipefesir o allükülük lon mettoch meinishin. 12 Eman soualilis epwe pwülüeni eman chök fefin, epwe pwal emwenöchü püsin nöün kana me chon an famili. 13 Iwe, ekana soualilis mi angangöch repwe küna iteüöch me ren aramas, repwe pwal tufichin pworacho le kapas usun ar lükü Kraist Jesus.

**Ekkewe deacon ir mwan mi anisi ekkewe elter ren ar tumunu pwe ekkewe mettochun inis non ewe mwichefen repwe pwungun fis. Ekkoch awewe ren ei epwe tumunu ewe imw, alisi ekkewe chinnap me ekkewe fefin mi ma puluwer ren osupwangen inis, me tumunu pwe epwe wor mettoch ussun chok puken kol mi lamot fan iten ewe fel.**

## **Iö kewe chon pin?**

Ewe kapas souleng a wewe ngeni ekkewe mi kefilita. Meinsin chon Kraist ra imulo. Ina minne, meinsin chon Kraist ir chon pin.

### **1 Korint 1:2**

aia kapong ngeni än Kot we mwichefel mi nom lon Korint, ngeni chokewe mi küna pin lon Kraist Jesus, ir mi kö pwe repwe pin fitifengen me chokewe ekis meinsin mi köri iten ach Samol Jesus Kraist, i ouach Samol:

### **1 Petrus 2:9-10**

9 Nge ämi eu ainang mi fil, eu mwichen souasor än ewe king, eu mwün aramas mi pin, nöün Kot kewe aramas, oua fil pwe oupwe arongafeili än Kot kewe föföör mi manaman, i ewe mi körikemiiwu seni ro chopwak, pwe oupwe tolong lon an saram mi amwarar. 10 Me lom ousap nöün Kot aramas, nge ikenai oua nöün. Me lom ousap angei än Kot ümöümöch, nge ikenai oua angei an ümöümöch.

**Ewe kapas chon Kraist, a wewe ngeni chon tapwelo mwirin Jises, a mak fan 3 lon ewe Paipel.**

**Iwe nge, ewe kapas souleng a mak fan 61 fan iten ekkena aramas.**

**Kraist a aueta ew chok mwichefen, me I epwe amanaua ekkewe non ena mwichefen. Kraist i mokuren ewe mwichefel wewen pwe I a finata met epwe fis non ewe mwichefel. Ekkewe pukfel non nesen 6 repwe aiti met Kot a aneanei nupwen ewe mwichefen a chufengen.**